

欽定四庫全書

子部

普濟方卷三百

二十九
三十



北京中醫藥大學圖書館版權所

普濟方卷三百二十九

周王朱橐 撰

婦人諸疾門

崩中漏下

附論

夫婦人崩中漏下者由勞傷血氣衝任之脈虛損故也

衝脈為經脈之海皆起於胞內而手太陽小腸之經也

手少陰心之經上為乳汁下為月水婦人經脈調適則

月水依時若勞傷衝任氣虛不能制其經脈血非時而

下淋瀝而不斷謂之漏下也

蓋肝為血之府庫恚怒

勞役一或傷之肝不能藏血於宮宮不能傳血於海所以崩中漏下漏下者淋瀝不斷是也崩中者忽然暴下乃漏證之甚者也其狀或如豚肝或成五色與血俱下又或如泔涕如爛瓜如豆汁如藍靛是也至有純黑如墨水與血相雜亦有純下瘀血者此皆衝任虛損恚怒勞役之過致傷於肝而然也久久不止頭暈眼花加之怔忡驚惕恐怖面肌瘦虛煩口乾臍腹冷痛吐逆不食

四肢虛困甚則為脹為腫診其脈寸口脈弦則為減大則為亢減則為寒亢則為虛寒虛相搏其脈為革主半產漏下又尺寸脈虛者漏血漏血脈浮者不可治治之之法調暢衝任鎮住血海溫和歸於有用內養百脈外為月事自無崩中漏下之患矣

五臟皆稟血氣血虛淋瀝漏下致五臟傷損五

臟之色隨血同下若五臟皆虛損者則其色亦各隨血下診其尺脈急而弦大風邪入少陰之經女子漏下赤白不止脈小虛滑者生脈小緊實者都近死也又漏血下赤白或下血數升脈急疾者死遲者生也至於崩中五色隨崩俱下其狀白崩形如涕赤崩如紅藍汁黃崩形如爛瓜青崩形如藍靛黑崩形如豆汁與敗血

相離而下也婦人白崩者是勞傷胞絡而氣極所為肺
主氣氣極則肺虛冷也肺臟之色白虛冷勞極其色與
胞絡之間穢液相挾崩傷而下為白崩也夫婦人崩中者由臟腑傷損衝脈
任脈血氣俱虛故也衝任之脈為經脈之海血氣之行
外循經絡內榮臟腑若無傷損則陰陽和平而氣血調
適經下依時若勞動過多致臟腑俱傷而衝任之氣虛
不能約制其經血故忽然暴下謂之崩中暴下診其寸
口脈微遲尺脈微絃寸口脈微寒在上焦但吐爾今尺
脈微絃如此即小復痛引腰脊痛者必下血也夫漏下

者血寒之極所致若謂以血熱致崩而用涼藥誤矣每用歲丹作効始進三五粒而未愈再進十粒尤未愈服至四五十粒差愈服至百粒方乃作効此歲丹之力也然歲丹之性全恃火力如水寒成冰血寒成塊血得溫則流散四肢永得日則烘消成水血凝得丹而流暢火之力也大抵醫者意也以意醫之所以作効儻或凝而未散即用先進陽起石丸服之二日未効却進歲丹庶無可疑者也又有室女二七天癸當至而未至近十

八九左右方行者有卒然暴下漸至淋瀝不止有若崩漏者却又不宜服前藥也惟當以四物湯加香附子煎血色鮮而不止者挾熱也宜去熟地黃加生地黃煎臨病之際又在乎審處之下部出血不止謂之崩中穢液常流謂之帶下崩中失血多因衝任虛損榮道受傷得之冷帶雜下多因下焦不固內挾風冷得之崩中者投以當歸川芎香附諸黑藥之屬血暫止而終不止帶下者投以熟艾餘糧牡蠣海螵蛸之類帶暫歇而終不歇

者經曰衛氣者所以溫肌肉充皮膚肥腠理司開闔衛氣若虛則肌肉不溫皮膚不充腠理不肥而開闔失其司耳況胃為血海水液會焉胃者中央之土又所以主肌肉而約血水也衛氣與胃氣俱虛則肌弱而膚空血之與水不能約制是涓涓漏卮休作無時而不暫停矣然則調之止之不可不加意於固衛厚脾之劑此桂枝附子湯以之固衛而人參白朮茯苓草朮香以之厚脾二者俱不可闕也病人者好炙燂亦有協熱而下血

者此則黃連丸輩所不可無肺絡脈微亦主帶下此則
草菓白朮雖可燥水仍須以阿膠佐之若夫帶之為患
出於風冷停宿官桂乾姜細辛白芷先與散其寒邪然
後為之封固所貴擇之精而用之審云一應婦人大小
產及諸下血新差未得經久遽觸房事皆作崩中漏下
二帶之疾又有月事久閉纔得一通下部為風邪所搏
致使敗瘀出而未盡亦作崩中漏下黃水或粉紅滲漏
無時其崩中下血不止者震靈丹三粒陳米并香附煎

湯食前送下又方人參白朮炮乾薑炒甘草製半夏縮砂香附木香等分薑棗煎服又方圓半夏剉碎以薑汁和麪捏餅包裹炙令香熟去麪取半夏末之糯米稀糊丸麻子大每服五十丸芎歸湯沉香降氣湯各半食空

送下此皆止血之勝藥

儒門事親書論云凡婦人血崩或乍及四十已上因悲哀太甚

致然內經曰悲哀太甚則心系急心系急則肺火降而上焦不通熱氣在中故經云血崩下心系者血山崩也如久而不愈則面黃肌熱瘦弱慎不可以熱治之蓋血得熱而散故禁之宜以當歸等藥治之凡婦人年五十以上經血暴下婦人經血終於七七之數數外暴下者此乃內經所謂火主暴崩亦因暴喜暴怒憂愁驚恐致然慎

勿作冷痛治之如下峻熱藥治之必死止宜黃連解毒湯以清上更用連殼棕毛以滲其下然後用四物湯玄胡索散涼血和經之藥仁齋直方論云素問陰虛陽搏謂之崩此即血得熱則宣流之意也四物可以助陰生津枳殼散可以抑陽其間更以茯苓二陳湯和之使陰陽兩得其平血自循於經絡矣若夫衝任不固下元久虛以致血無關鎖則用參湯加當歸木香嚙下震靈丹為妙治漏血不止新傷胎及產後餘血不消作堅使胞門不閉淋瀝惡血經踰日月不止者未可以諸斷血湯宜且與牡丹丸散等待血涼堅凝後所患淋瀝便自止亦漸消少也此後有餘湯斟酌煎服此乃可作諸主治耳婦人產後去血多傷胎去血多崩中去血多金瘡去血多拔牙齒去血多未止心中懸虛心悶眩日月角重目睛耳聾舉頭便沉悶欲倒宜且煮大當歸芎藭各三兩以水四升煮取二升去滓分二服即定展轉續次合諸湯治之

方

地榆散

出聖惠方

治婦人崩中漏下不止

地榆

一兩判

伏龍肝

一兩半

白茯苓

一兩

柏葉

一兩微炒

蒲黃

一兩

白芍藥

一兩

甘草

半兩炙微赤判

鹿角膠

一兩

搗碎炒令黃燥

當歸

三分判微炒

桂心

半兩

芎藭

三分

乾薑

半兩炮裂判

漏蘆

一兩

蟹瓜

二兩微

右件藥搗粗羅為散每服三錢以水一中盞入竹

茹一分煎至六分去滓每於食前溫服

柏葉散

出大金良方

治婦人崩中漏下不問年月遠近漸加

黃瘦四肢無力腹內疼痛不思飲食

柏葉

續斷

川芎

當歸

生乾

地黃

龜甲

一作鱉甲各一兩半

禹餘

糧

二兩半

阿膠

赤石脂

牡蠣

地榆

艾葉

鹿茸

各一兩

右為末每服二錢食前粥飲調下一方有丹參如

鹿茸數煉蜜丸如桐子大每服三四十丸空心溫

酒吞下或沸湯下

禹餘糧散

出聖惠方

治婦人崩中漏下不止漸加羸瘦四肢

煩痛

禹餘糧

二兩燒醋洗十七遍

甘草

三分炙微赤剉

赤石脂

二兩

龍

骨

二兩

芍藥

三分

白芍藥

三分

附子

一兩炮裂去皮臍

熟乾地黄

一兩

乾姜

半兩炮裂剉

當歸

一兩微炒

桂心

半兩

右件藥搗細羅為散每於食前以粥飲調下二錢

黑金散

出醫方大成

治婦人血氣虛損經服不調崩中漏下

鯉魚皮

乾薑

炮

破故紙

黃牛角鰓

梭櫚皮

亂髮

各一兩

烏賊魚骨

熟

乾地黄

當歸

洗焙

木賊

各半兩

右剉碎拌勻入在瓷瓶內鹽泥固濟候乾以炭火

五斤煨令通赤煙盡取於土內埋令冷取出研細

每服三錢入射香少許米飲空心下

斷下湯

出楊氏家藏方

治衝任氣虛崩中漏下經脈不調每遇

月候將行臍腹腰脚先痛漸減飲食四肢乏力及帶下

三十六疾悉能療之

人參

去頭

烏賊魚骨

燒灰

當歸

洗三味各二兩

熟乾地

黃

燒焙一兩

艾葉

醋炒一兩

阿膠

蛤粉炒成珠子七錢半

乾姜

半兩炮

右呔咀每服五錢水一盞半煎至七分去滓溫服

食前

補宮丸

出楊氏家藏方

治婦人諸虛不足久不妊娠骨熱形羸

崩中帶下並不宜服之

鹿角霜

白茯苓

香白芷

白朮

烏賊魚骨

白薇

白芍藥

牡蠣煨

山藥各等分

右為末麪糊丸桐子大每服五十丸米飲空心送

下

鹿茸散出聖惠方治婦人崩中漏下不止虛損羸瘦

鹿茸二兩去毛酥炙微黃鱉甲一兩塗醋炙令黃去裙襴烏賊魚骨

一兩炙黃白龍骨一兩續斷一兩熟乾地黄一兩肉

茯苓一兩半酒浸一宿刮去皺皮炙乾白芍藥一兩白石脂一兩